


և սենյան յատկաւորումներովը , և խոր ու սրտազին զգացում-
մովը այն բոլոր գիծերուն , որոնք մէն մի նկարագրի էութե-
թիւնը կը ընտրուեն :

Տեղը չէ անշուշտ ըսել հոս թէ մեր Եկեղեցոյ այս պատ-
կերազարդումին մէջ ո՛րքան անթերի յաջողութեամբ գործա-
դրուած է որմանկարչութեան այս ոգին . արդար պիտի ըլ-
լար խոստովանիլ միայն թէ Խորանի « Քրիստոս » ը իր մեծ
նայուածքին մէջ հզօր բարութեան մը քաղցրութիւնը կ'յայտ-
նէ , հրեշտակները աներկրային էակներու անգայտ վերացումն
ունին իրենց աչքերուն մէջ և շնչերգող շուրթներնուն վրայ ,



(թիւ 51) Խոյակ մը

Առաքեալները՝ հոգեւոր աշխարհակալութեան մը երազէն կը-
րակուած սիրտերու կտրիճ միամտութիւնն է որ ի յայտ կ'ըն-
րեն իրենց ընդհանուր կերպին մէջ , նոյն ատեն իւրաքանչիւ-
րը քիչ չափ ներկայացնելով իրմով աւետարանուած ժողո-
վուրդներու ցեղական տիպարը . ու Աւետարանիչները տպա-
ւորութիւնը կուտան մեզի մասենազիրներու , զորս ոգեւորած